

葛優翁肘後備急方

卷七八



南京中医药大学图书馆版权所有

第七冊

卷七

七

治爲熊虎爪牙所傷毒痛方

治中蠱毒方

治卒爲獵犬所咬毒方

治卒中溪毒方

治卒毒及狐溺棘所毒痛方

治卒中射工水弩毒方

治卒青蛙蝮虺眾蛇所螫方

治卒中沙虱毒方

治蛇瘡敗蛇骨刺入合繞身諸方

治卒服藥過劑煩悶方

治卒入山草禁辟眾蛇藥術方

治卒中諸藥毒救解方

治卒蜈蚣蜘蛛所螫方

治食中諸毒方

治卒蠭所螫方

治防避飲食諸毒方

治卒蜂所螫方

治卒飲酒大醉諸病方

治卒蠍所螫方



葛仙翁肘後備急方卷之七

陞七

治爲熊虎爪牙所傷毒痛方第五十三

葛氏方燒青布以燻瘡口毒卽出仍煮葛根令濃以洗瘡搗乾葛根末以煮葛根汁服方寸匕日五夜

一則佳

又方嚼粟塗之姚同

又煮生鐵令有味以洗瘡上姚同

凡猛獸毒蟲皆受人禁氣將入山草宜先禁之其經

術云

到山下先閉氣三十五息所在山神將虎來到吾前

乃存吾肺中有白帝出把虎兩目塞吾下部中乃
吐肺氣自通冠一山林之上於是良久又閉氣
十五息兩手捻都監目作三步步皆以右足在前
乃止祝曰李耳李耳圖汝非李耳耶汝盜黃帝之
犬黃帝教我問汝汝答之云何畢便行一山之虎
不可得見若逢之者因正面立大張左手五指側之
極勢跳乎上下三度於跳中大喚日虎使汝北斗君
去虎卽走止宿亦先四向如此又燒牛羊角虎亦
不敢近人又搗雄黃紫石縫囊貯而帶之

附方

梅師方治虎傷人瘡

但飲酒常令大醉當吐毛出

治卒有獅犬凡所咬毒方第五十四

療獅犬咬人方

先嗍卻惡血灸瘡中十壯明日以去日灸一壯滿百乃止姚云忌酒

又云地榆根末服方寸匕日一二亦末傅瘡上生根
搗傅佳

又方刮虎牙若虎骨服一七已發如獅犬者服此藥
卽差姚同



又方仍殺所咬犬取腦傅之後不復發

又方搗薤汁傅之又飲一升日三瘡乃差

又方末礬石內瘡中裹之止瘡不壞速愈神妙

又方頭髮蠅皮燒末水和飲一杯若或已目赤口噤

者折齒下之姚云二物等分

又方搗地黃汁飲之并以塗瘡過百度止

又方末乾薑常服并以內瘡中

凡猘犬咬人七日一發過三七日不發則脫也要過百日乃爲大免耳

每到七日輒當飲薤汁三二升又當終身禁食犬

肉蠶蛹食此發則不可救矣瘡未差之間亦已生
物諸肥膩及冷但於飴下蒸魚及就膩氣中食便
發不宜飲酒能過一年乃佳

若重發療方

生食蟾蜍鱠絕良驗姚同亦可燒炙食之不必令
其人知初得噏便爲之則後不發姚剝作鱠吞蒜
薑下

又方搗薑根汁飲之卽差

又方服蔓菁汁亦佳

又方犬咬人

取竈中熟灰以粉瘡傅之姚同

又方火炙蠟以灌瘡中姚同

又方以頭垢少少內瘡中以熟牛屎塗之佳姚同

又方按蓼以傅瘡上

又方乾薑末服二七薑汁服半升亦良

又方但依獵犬法彌佳燒蟾蜍及末礬石傅之尤佳
得犬齧者難療凡犬食馬肉生狂方

及尋常忽鼻頭燥眼赤不食避人藏身皆欲發狂
便宜枸杞汁煮糜飼之卽不狂若不肯食糜以鹽
伺鼻便忽塗其鼻既舐之則欲食矣神驗



附方

梅師方治狂狗咬人

取桃白皮一握水三升煎取一升服

食療治犬傷人

杵生杏人封之差

治卒毒及狐溺棘所毒方第五十五

馬嚼人作瘡有毒腫熱疼痛方

刺雞冠血瀝著瘡中三下若父馬用雌雞母馬用

雄雞姚同

又方灸瘡及腫上差



若瘡久不差者

馬鞭梢長二寸鼠矢二七枚燒末膏和傅之效
又方以婦人月經傅上最良姚云神效
人體上先有瘡而乘馬馬汗若馬毛入瘡中或但爲
馬氣所蒸皆致腫痛煩熱入腹則殺人

燒馬鞭皮末以膏和傅上

又方多飲淳酒取醉卽愈

又剝死馬馬骨傷人手毒攻欲死方

便取死馬腹中屎塗之卽差姚同

又方以手內女人陰中卽愈有胎者不可令胎墮

狐尿棘刺刺人腫痛欲死方

破雞搗之卽差

又方以熟桑灰汁漬冷復易取愈

小品方以熟蠟著瘡中又烟熏之令汁出卽便愈

此狐所尿之木猶如蛇蟻也此下有魚骨傷人

附方

圖經云治惡刺及狐尿刺

鵝取蒲公草根莖白汁塗之惟多塗立差止此方
出孫思邈千金方其序云余以正觀五年七月十
五日夜以左手中指背觸著庭木至曉遂患痛不

可忍經十日痛日深瘡日高大色如熟小豆色嘗聞長者之論有此方遂依治之手下則愈痛亦除瘡亦卽差未十日而平復楊炎甫行方亦著其效云

效方治狐尿刺蟄痛

杏人細研煮一兩沸承熱以浸蟄處數數易之外臺祕要治剝馬被骨刺破中毒欲死

取剝馬腹中糞及馬尿洗以糞傅之大驗絞糞汁飲之效

聖惠方治馬咬人毒入心

馬齒莧湯食之差

靈苑方治馬汗入瘡腫痛漸甚宜急療之遲則毒深難理

以生烏頭末傅瘡口良久有黃水出立愈

王氏博濟治驢涎馬汗毒所傷神效

白礬飛過黃丹炒令紫色各等分相袞合調貼患處

治卒青蛙蝮虺眾蛇所螫方第五十六

葛氏竹中青蜂螯人方

雄黃麝香乾薑分等搗篩以射商和之著小竹管

帶之行急便用傅瘡兼眾蛇虺毒之神良

又方破烏雞熟傅之

蛇綠色喜緣樹及竹上大者不過四五尺皆呼爲

青條蛇人中立死

葛氏毒蛇蟹人方

急掘作坑以埋瘡處堅築其上毒卽入土中須臾
痛緩乃出

徐王治蛇毒方

用搗地榆根絞取汁飲兼以潰瘡

又方搗小蒜飲汁以滓傅瘡上

又方猪耳垢著瘡中牛耳中垢亦可用之良

又方嚼鹽唾上訖灸三壯復嚼鹽唾之瘡上

又方搗薤傳之

又方燒蜈蚣末以傳瘡上

又方先以無節竹筒著瘡上鎔蠟及蜜等分灌筒中
無蜜單蠟亦通

又方急且尿瘡中乃拔刀曰閉氣三步以刀掘地作

小坎以熱湯沃坎中壅作丸如梧子大服之并以

少泥泥之瘡上佳

又方桂心苦蔓分等爲末用小竹筒密塞之以帶行



医药大学图书馆藏

卒爲蝮蛇所螯卽此藥療諸蛇毒塞不密則氣歇

傳之

此藥療諸蛇毒塞不密則氣歇

不中用

一切蛇毒

急灸瘡三五壯則眾毒不能行

蛇毒

搗鬼針草傅上卽定

又方荆葉袋貯薄瘡腫上

又方以射齒塗腫上血出乃差

又方以合口椒并葉搗傅之無不止

又方切葉刀燒赤焰之



南京中医药大学图书馆藏

附方

梅師方治蛇虺蟄人

以獨頭蒜酸草搗綃傳所咬處

廣利方治蛇咬方

取黑豆葉剉杵傳之日三易良

廣濟方治毒蛇齒方

菰蔣草根灰取以封之其草似鷺尾也

兵部手集主蛇蠍蜘蛛毒

雞卵輕敲一小孔合咬處立差

劉禹錫傳信方治蛇咬蝎蟄

